



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

III. Aureliano successit Sapaudus. Hunc statim Pelagius Papa vicibus apostolicæ sedis ornavit secundùm morem. Tum usum ei Pallij concedit, & privilegium formatarum confirmat.

urn:nbn:de:hbz:466:1-15617

Episcopi tum contendebant Vicarios apostolice sedis subjacere debere iudicio suorum collegarum, si quid peccarent. Explicatur epistola Pelagi. Ejus auctoritate ostenditur vicariatum Arelatensem fuisse perpetuum.

VII. Sapando successit Licerius; quem vicibus etiam apostolica sedis & Pallio ornatum fuisse colligunt ex more tum recepto & ex epistola sancti Gregorii de vicariis Virgilij, qui proxime successit Licerio.

I. **A** UXANIO itaque Arelensi Episcopo cum successisset Aurelianus, magna nobilitatis vir, ut vulgo existimant, antiquae consuetudini & Childeberti Regis precibus datum à Vigilio est ut is quoque Romani Pontificis Vicarius esset intra Gallias. Vetus tam confuetudinem memoravi, tamenetsi hanc auctoritatem Vigilius non repeatat disertis verbis à veteri more; quia video illum omnino secutum esse vestigia decessorum suorum, eadēque Aureliano mandata dedisse quæ superioribus Episcopis Arelatensis data fuerant jam inde à temporibus Zozimi. Præterea Vigilius, cùm auctoritate illum sua ornaret, præscripto iudiciorum ordine, hæc addit: *Quia ita decessores vestros, qui decessorum nostrorum vices egisse monstrantur, fecisse testimonium nostri declarat scrinij.* Non immorabor in explicandis mandatis Aureliano datis, cùm satis in hanc rem incubuerim in superioribus capitibus. Illud tantum dicam, generalē ad Gallicanos Episcopos epistolam secundū morem dedisse Vigilum, ut eos certiores faceret conlatum à se Aureliano fuisse vicariatum sedis apostolicae.

II. Post aliquot exinde annos, cùm viuderet Aurelianus sinistram de Vigilio famam in Occidente spargi in causa Trium Capitulorum, ac si Vigilius contraria Chalcedonensi Concilio tradidisset, legationem ad eum misit, significans ei qui tum rumores de illo essent, addens nihilominus haud dubiè non dubitare se quin falsi essent, perspectam sibi esse fidem & prudentiam Vigilij, nihil facturum quo suam famam dehonestaret. Intellexit vir prudens quò tenderet istorum verborum sensus. Itaque scripta confestim epistola ad Aurelium, primū fidem suam singillatim explicuit, deinde illum admonuit ut banc fidei sua professionem in omnium Gallicanorum Episcoporum notitiam dederet; *ut nullis, inquit, aut falsis scriptis, aut mendacibus verbis, aut nuntiis, qualibet ratione turbentur.* Evincunt autem illa sollicitudinem Ecclesiarum Gallicanarum fuisse tum penes Episcopum Arelatensem tanquam Vicarium sedis apostolicae. Iстius porro legationis, quæ per Anastasium missa est, mentio extat in epistola à Clericis Italia di-

recta ad Legatos Francorum qui Constantiopolim proficiebantur.

III. Aureliano successit Sapaudus anno quingentesimo quinquagesimo sexto. Statim verò Pelagius Pontifex Romanus istius nominis primus eum vicibus apostolicæ sedis ornavit secundū morem; ut constat ex illius epistola ad Sapaudum, in qua sic legitur: *Majorum nostrorum, operante Dei misericordia, cupientes inhærente vestigiis, & illorum actus divino juvamine in omnibus imitari, caritati tue per universam Galliam sancta sedis apostolicae, cui divina gratia presidemus, vices in jungimus. Hoc enim antiquitas memoria docet, hoc Ecclesiæ Romane testantur scrinia, à sanctis patribus & decessoribus nostris suis decessoribus esse concessum.* Et infrà: *Vtene igitur, carissime frater, auctoritate Pontificis & pastoris mansuetudine, per nos tibi locum Vicary apostolicae sedis divine gratia largitate concessum.* Tum ulū ei Pallij concedit, & privilegium formatarum confirmat.

IV. Porro licet Pelagius in hoc securus sit antiquum morem, petitionisque Childeberti mentionem non faciat in epistola ad Sapaudum, ex epistola tamen ab eo scripta ad eundem Childebertum patet datum id etiam precibus ejus. *Vices autem nostras, inquit, prefato consacerdoti nostro Sapando secundū petitionem vestram direximus, usum Pallij pariter concedentes; quia in scrinio ecclesiastico hujusmodi exempla reperimus, quibus ostenditur Arelatensis Episcopus à sancte recordationis decessoribus nostris hec fuisse contata.* Non meminit autem consensus Imperatoris pro concessionē Pallij.

V. Admonet deinde Childebertum Pelagius honorandum esse Sapaudum propter apostolicam vicem, omninoque procurare eum debere ne is quem per vices apostolicas augeri postulaverat, in aliqua parte cuiquam Gallicanorum sacerdotum vel cuiuscumlibet ordinis ecclesiastici persone contemptibilis habeatur. Quippe tum descendenter aliquatenus dignitas Vicariorum sedis apostolicae, ut obleviatum est superius, ac nihilo minus Episcopi contendebant Vicarios illos, si peccarent, judicandos esse ab Episcopis suarum provinciarum. Hinc factum ut cùm non ita multò pòst Sapaudus criminis cuiusdam suspectus esset habitus, in judicium vocatus sit à suffraganeis suis secundū canones. Cùm verò nollet se sistere iudicio, Childebertus Rex eum compulit eam necessitatem subire. Qua de re graviter apud illum expostulavit Pelagius his verbis: *Passi estis subripi vobis, & Sapaudum fratrem & coepiscopum nostrum Arelatensis civitatis antistitem, cuius Ecclesia in regionibus Gallicanis primatus privilegio & se-*